

Багъа бищун къашайсса хъус

Аллагънал ﷻ дуллусса чӀун тӀайлану ишла даву гъарцагу бусурманчувнал буржри. ЧӀун тӀайлану ишла дурну, муних къулагъас дайма цала мурадирттайнгу иянтӀиссар, акъахъурча, тӀайлабацӀу къабикантӀиссар. Жулва салафу-ссалихӀинтурал хъинну ядайсса диркӀссар цалла чӀун, мунил багъагу гайннан хъинну кӀулу бивкӀссар. ХӀасан аль-Басринал увкуссар: «Тгун ккавкссар инсантал, зун зула диргъамрунир цала чӀун ххирасса». Омар Ибн Абдулаъзиздул увкуссар: «ХӀакъну хъхъунил ва къинилул вища ца-ца ххирасса зад ласлассар, мунияту хъхъувайгу дяхтгагу ацӀаву дакъа зузу», – куну. Гайннал учайсса бивкӀссар: «ЧӀун – турди: ина ганияр ххув къахъурча, га вияр ххув хъунтӀиссар». Гайннал хӀарачат байсса бивкӀссар хӀакъинусса къини лахъхъунир чӀявусса хъинсса аьмаллу бан, гъунтгий хӀакъинуннир чӀявусса аьмаллу бан. Гъарца минутрай, гъарца ссятрай, гъарца лахӀзалий гайннал хӀарачат байсса бивкӀссар хайр бусса элму лахъхъин, мюнпат бусса даву дан, цалва нафсраяр ххув хъун, щин-бунугу мюнпат биян бан, цалва захӀматру бацӀва хъуну къалякъиншиврул. Цанма ягу лагмаминнан мюнпат бакъа гъан дурсса чӀун Аллагънайн ﷻ щукру бакъашивуну, адав дакъашивуну хӀисав дайсса диркӀссар. Цалла элму гъарза къадурсса, иман цӀакъ къадурсса къини дачӀра ларгссаннун ккалли дайсса диркӀссар. Ибну Масъоьддул увкуссар: «На ссаячӀав хӀайп тӀий акъара баргъ гъаннин ттулва аьмаллу цӀакъ бан къабювхъусса къинилуя акъа» куну. Бусурманчувнал цала чӀун лайкъну ишла дан аьркинссар, гъарца лахӀза цанма хайр биян баймуни хас буну. Ца валийнал увкуссар: «Аллагънал ﷻ рахӀму тӀалав буллай ттула элму зийда дан къавхъусса къини дучӀарча, му къини баргъ буккаврия тгун цукунчӀавсса ххаришиву дакъар», – куну.



макъала: МухӀаммад Омаров

➔ 7

Лавгсса лахӀзагу бивгъусса ссикӀгу зана битан къашайссар.

Ва
номерданий :



лаж. 3

Агъали бунагьиртгая бизар хъуну бур



лаж. 5

Шяъбан барз



лаж. 6

Имам Шамил Ккулун увкӀсса куц

Истихарданул чак

Инсаннан ца зад бан дакӀнин багъарча, ягу ссапарданий гъан къаст дарча, му буну хъиннивав, къабуну хъиннивав тӀий таш-вишрай ухъурча, Идавсил ﷻ амру буну бур истихарданул чак бача куну. Цалвагу мукунсса иширавун агъукун буллай ивкӀссар. Гъарца ишираву бавугума суннатссар. Му чак байсса куцгу: –кӀира ракааьт дайссар утту ишиннин. Цал «на нийят дурунни истихарданул чаклил кӀира ракааьт дан суннатсса хъунасса Заннан Аллагу акбар», – куну бахӀинссар. Яла «альхӀам» буккинссар, яла хъхъичӀмур ракааьтрай «Къуль я айюгӀал кафируна» буккинссар. Махъмуний «Къулгъу» буккинссар. Яла салам буллуна ва дуаьгу дуккинссар: «Аллагъумма инни астахирука биълама мин фазликал аьзими фа иннака такъдиру ва ла акъдиру ва таъламу ва ла аъламу ва анта аьлламул гъулюб. Аллагъумма ин кунта тяъламу анна гъазаль



амра хайрун ли фи дини ва дуньяя ва аькъибати амри ва аьжилигъи факъаддиргъу ли ва барикли фигъи сумма яссиргъу ли. Ва ин кунта таъламу анна гъазаль амра шаррун ли фи дини ва дуньяя ва аькъибати амри ва аьжилигъи ва ажилигъи фасрифни аьнгъу васрифгъу аьнни ва къаддирли хайра айна ма кана иннака аьла кулли шайин къадир». Яла къиблалин лажинну уттуивхъуну шананссар, чаклингу ивссуну уна, урчӀамур кагу бакӀралу дирхъуну, ци макӀ ккаккайрив ххал дан. Агар щоллисса я кӀяласса зад ккаккарча, я ивкӀусса я утгавасса инсаннал цахъхъунна зад дуллай ккаккарча хъиншиврул аьламати, дувача му зад. Я лухӀисса я ятӀулсса зад ккаккарча, ягу ивкӀусса ягу утгавасса инсаннал пащара зад ласлай ккаккарча къахъинссар, мабарача. ЦӀчӀав къаккарчагу кӀира шанна хъхъуну ккакканнин булланссар.

«НасихӀатуль-аьвам» («ГъунчӀукъатӀан»)

Дагъусттаннал Бусурманнал Динналул Идаралул имамтурайнсса оьвчаву

Дагъусттаннал Динналул Идаралул канонический отдел оьвчаву дуллай бур нюжмар чак байсса мизитиртгал имамтурайн, нюжмар-чак бувну махъ, ахтгайн чак баннин Къуръандалува сурарду буккаван.

Анаслуя ﷺ бувъсса Мухаммад ﷺ идавсил хладисраву увкуну бур: «Нюжмар чак бувкун, цува усса кланавату сукку хьуннин арлва сура «Аль-Фатиха», арлва «Аль-Ихляс», арлва «Аль-Фалъ», арлва «Ан-Нас» бувкуманан циняв бунявру шюшинтиссар, Аллагнайн ﷺ ва Идавсин ﷺ иман дирхьуминнал бакрахсса чиригу чичинтиссар», – куну. Ва хладисрал цамур риваятраву увкуну бур, клай сурарду бувкума Аллагнайн ﷺ хъиривмур нюжмар кьини дучаннин циняв оьбарлардая уруччайшиву.

الحمد لله حق حمده وصلاته على محمد خير خلقه وعلى آله وصحبه
روي من حديث أنس رضي الله عنه من قرأ إذا سلم الإمام يوم الجمعة قبل أن يثني رجله فاتحة الكتاب وقال هو الله أحد والمعوذتين سبعا غفر له ما تقدم من ذنبه وما تأخر وأعطى من الأجر بعدد من آمن بالله ورسوله .
وروى ابن السني من حديث عائشة مرفوعا من قرأ بعد صلاة يوم الجمعة قل هو الله أحد والمعوذتين سبع مرات أعاده الله بها من سوء إلى الجمعة الأخرى .
وقال البارزي في كتابه فضائل القرآن خرج ابن وهب عن الحسن مرفوعا قال من قرأ عند تسليم الإمام يوم الجمعة وهو ثابن إحدى رجله قبل أن يعطفها وقبل أن يتكلم قل هو الله أحد سبعا وقل أعوذ برب الفلق وقل أعوذ برب الناس سبعا حفظ له دينه ودنياه وأهله وولده .
وفوت ثوابها المخصوص ولو جعل يمينه للقوم ، كما نقله الكردي عن ابن حجر .
قال أبو طالب المكي : ويستحب له بعد الجمعة أن يقول " اللَّهُمَّ يَا غَنِيَّ يَا حَمِيدِيَا مُبْدِيَا يَا مُعِيدِيَا رَحِيمِيَا وَدُودِيَا أَغْنِنِي بِحَلَالِكَ عَنْ حَرَامِكَ وَبِفَضْلِكَ عَمَّنْ سِوَاكَ وَبِطَاعَتِكَ عَنْ مَعْصِيَتِكَ . " أربع مرات . وقال الإمام الغزالي وَقَلَّ بَعْدَ ذَلِكَ أَيِّ قِرَاءَةٍ مَا ذَكَرَ سَبْعًا سَبْعًا " اللَّهُمَّ يَا غَنِيَّ يَا حَمِيدِيَا . الخ .
وقال ابن مسعود رضي الله عنه من قال بعد قراءة ما تقدم " اللهم يا غني يا حميد يا مبدئ يا معيد يا رحيم يا ودود اغنني بفضلك عن سواك وبحلالك عن حرامك " أغناه الله ورزقه من حيث لا يحتسب .
ونقل عبد الوهاب الشعراني نفعنا الله به أن من واطب على قراءة هذين البيتين في كل يوم جمعة توفاه الله على الإسلام من غير شك وهما : " إلهي لست للفردوس أهلا ولا أقوى على نار الجحيم فهب لي توبة واغفر ذنوبي فإنك غافر الذنب العظيم " .
ونقل عن بعضهم أنهما يقرآن خمس مرات بعد الجمعة . باجوري .
مراجع : " تحفة المحتاج في شرح المنهاج " ، " نهاية المحتاج في شرح المنهاج " ، " اعانة الطالبين " ، " حاشية البجيرمي على الخطيب " ، " حاشية الجمل على المنهاج " لشيخ الإسلام زكريا الأنصاري ، " بغية المسترشدين

Усру лаххаврия

Гьарцагу инсаннал гьарца кьини ишла дайсса задру цури куну цуххирча, кьанкьану учин бучлур, щак бакъа ми усру ва янна душиву. Уссал ва янналул жулва щалвагу чурх буручлай бур дакъья, кьирившивруя, ва цаймигу хьуна дакъин бюхъайсса зарал биян байсса задриття. Усру дакъа яхъанахъисса инсанвагу акъахъунсар учин бучлур. Цалчин усру дурма цуригву мьяйжанну кьулну бакъар.
Усру лаххаву суннатссар. Идавсил ﷺ увкуссар: «Усру хладур дулувару, уссавахсса адимина чай буртти кунассар» (Муслим, 2096).

Жучьавасса ттучаннаву, базаллаву дахлахисса усру чьивучин дунгузрал бурчу ишла бувну дурсса хьуна дакълай дур, мунигту, бусурманнал мудан усру ласайсса чьумал гай марциссарив, чапалсарив куну цухлан, кьул буллан багълай бур. Дунгузрая ягу ккаччил бурчуя дурсса усру лахлан къабучиссар, гай лархсса чьумал нажасрал чапал шаврия нигь дунугий. Жунма кьулсса куцуй, дунгуз ва ккаччи нажасъсса жанаварт хъанахъиссар. Цирда усру дунгузрал бурчуя дурсса дакъахъурчагу, чьивучин гайннул вихдиху диклай дунгузрая дурсса. Мунин бувну, га вихдиху ччаннайн щилахисса духъувкун, ччан нажасрал чапал къавхъуну личан къабюхъайссар. Дунгузрал ягу ккаччил нажасрая марц хьун, га щусса кьану арлва щинай шюшайссар, миннива цал аьрщарашал хьала дурну. Ляличисса къулагъас дан аьркинни хъаннил уссах, хаснува гайннул нихърах. Лахъсса никъа бусса усру лаххаврил заралунни цуксса буларчагу, модалул циламур ласлай бур, цу-цусса, 5, 10, 15 сантиметра дусса «аьламатру» итадакълай. Лахъсса нехъри бусса усру ларххун заназисса хъаннил чьарусса цуцавуртту ялун личаврил нигь дуссар: бурхлайнсса, никиртгайнсса гуж багъаву хьунма хъанахъиссар.

Чьивуми лахъ нихъри лаххултрал учай: «жу, хъами, укунсса буру: чурххан зарал бухъурчагу, жул дакьурдин кьут-кьут тийсса некъуртгал чьу ххирар», – куну. Гай чьурдая Къуръанналуву ци увкуну буссарив кьул хъурча ми хъаннил ци чинавав? (мягна): «... заназисса чьумал ччаннах чьурду мабулардича, лагмасса арамантал хьайран буллай...» (сура Ан-Нисаъ, 31 аят).

Усру лаххаврил адабру

– Шариаьтрай лугтирдаву увкуну бур хьажатханттувун усру дакъа увххун къахъиншиву, цуксса марцисса хьажатхана бунугу.

– Ца ус ларххун заназавугу къахъинссар. Мунин далилнугу хъанахъиссар хладис: «Ца ус ларххун мазанарди, ягу кьирагу лаххияра, ягу кьирагу ликкьяра» (Бахари, Муслим). Ибну Хъажар Аскалани тий ур: «Ва масала багъайссар циняв чутсса яннардайнгу, масала, жуларду, ягу ца кяххуравун ка дурчун, гамунивун къадурчу заназаву».

Циванни къахъинсса ца уссувух занан учирча, муниинсса жавабгу дуллуну дур хладисраву: «Хьакьну щайтлан ца ус ларххун занан биклайссар» (Имам Тахави, «Мушкилю асар»).

– Мухаммад Идавсил ﷺ увкусар: «Зува усру лахлахисса чьумал урчамуния байбихъияра, ликлакисса чьумал цал куямур ликкьяра» (Бухари). Абу Давудлул бувцусса хладисраву бувсун бур ччаннай авцуну усру лаххаву къахъиншиву. Цала Мухаммад Идавсил ﷺ бурчул усру лаххайсса диркиссар. Хьакьинусса кьини жучанна дирну дур царай Идавсил ﷺ усру, ми цирдагу дуссар Туркнавусса музейраву. Идавсил ﷺ цала усру ва янна цала дакъин дайсса, зия хьумур дуруххайсса диркиссар.

Хьинну хьинссар ачлаччаннах заназаву. Цанасса чьумал медициналулгу му тасттикь буллай бур. Мукун заназаврия муонпат бушиву кьулну бивкисср жула Идавсингу ﷺ. Ганал цалва асхьабтурайн буюр байсса бивкиссар чун-чумуй бачьиваччаннах заназияра, куну (Абу Давуд, 4160). Мунин бувну, ачлаччаннах заназавугу суннатссар.

isaassalam@gmail.com

Хьафизтурал ва аьлимтурал конкурс

Май зурул 18-19-нний Хаса-вюртливсса Саидбег Даитовлул цьанийсса Исламрал университетраву хьунни 10-мур жагьилсса хьафизтурал ва аьлимтурал конкурс. Конкурсраву гьуртту хьунни Дагъусттаннаясса ва цаймигу кланттурдава ссачьивусса муга-аьлимтал.

Конкурсрал оргкомитет бия сакин бувну хьунисса аьлимтурая ва имамтурая: Дагъусттаннал муфтий Ахьмад-хьажи Аьбуллаев, С. Даитовлул цьанийсса университетрал ректор Ахьмад-хьажи Исаев ва м.ц. Конкурс нани бувну бия шанна номинациялуву: – чак, – хьифз (дакних Къуръан букваву), – динналул элмурду. «Динналул элмурду» тиймур номинациялуву цалчинмур кьану бувгьуманан булунни автомобиль Фольксваген, «хьифзраву» ххув хьуманан 3000 доллар, тьайлану чак баврил номинаци-



ялуву 1500 доллар. Кьилчинмий ва шамулчинмий кланттурду бувгьумийгу бахшиш къадулуну къаливчунни.

Конкурсрал ахирданий кьул хьунни ххув хьуминнал цьарду: Чак баврил номинациялуву:

1. Асхьабов Ибрагьим, Ччаннал республика, шьравалу Нойбер.
2. Хьасанов Тимирхан, Дагъусттан, шьравалу Губден.
3. Аьбулмажидов Аьбулмажид, Дагъусттан, шьравалу Гьох. Хьифзрал номинациялуву:

1. Рабаданов Хьусайн, Дагъусттан, шьравалу Новокостек.

2. Аьлиев Мухаммад, Дагъусттан, шьравалу Кироваул.

3. Ильясов Аьбуллагь, Дагъусттан, шьравалу Губден.

Динналул элмурдал номинациялуву:

1. Муртазааьлиев Ахьмад, Дагъусттан, ш.Хасавюрт.

2. Имамалиев Асадуллагь, Дагъусттан, ш.Хасавюрт.

3. Аьбдурашидов Мухаммад, Дагъусттан, ш.Хасавюрт.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Канонический редактор

Курамухаммад МАГОМЕДОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна.

Набрано и сверстано на компьютерной базе газеты «Ассалам».

Отпечатано в ООО «Дом печати»

по адресу: пр-т Акушинского, 20

Заказ № _____

Тираж 2.900 экз.

Сдано в печать 31 мая 2011 г. в 18:00

Индекс 51388

Адрес редакции

367015, РД, г. Махачкала, ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону:

по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;

www.assalam.ru

Гъаралуннил хикмат

Гъарал хъанахъиссар Аллагъу Таабланал ляхъан дурсса неъматиртгавасса хикмат. Му жунмасса хъумасса рахъиматри. Дунияллийсса халкъуннал, жанавартрал, уртту-туттал оърмуду гъаралуннил хъунмасса клану бугъагъиссар. Къуръанналуву увкуну бур (мяъна): «...Ургу Аллагънал   цимилийну гъаралуннил къаркъсса аърши утгара дуллалисса куц...» (сура Ар-Рум, 50 аят).

автор: Рашид Нурмухаммадов

Гъарца гъарал кунтI аърщарайн лавсун ца-ца малаик учIайссар. Муниятур гъарал кунтIру багъну нанисса чIумал куннийн ку тачIав къащайсса.

«Мукъаддиматиль-хазрамия» тIисса луттираву увкуну бур цIусса шинал цалчинсса гъарал лачIлан диркIукун ганилу чурхгу шювшуну, гъарал щинай чаклин ивссуну хъинссар тIий. Чурх шюшин сант дакъахъурча, укунна чаклин иссавурагу дурну хъинссар. Къув-аьс, цIупар тIисса чIумалгу Аллагъ   кIицI лавгун хъинссар, амма цIупарданух ургаву къахъинссар.

Имам Маликлул «Муваттаъ» тIисса хIадисирттал луттираву увкуну бур: «Къуваьс, цIупар тIисса чIумал Идавсил   ихтилатгу бацIан бувну, укунсса дуаь дуккайва: «СубхIана ман юсаббихIу-р-рабду бихIамдигъи валь-малаикату мин хифатигъи». Ялагу гъарал лачIличIисса чIумал «Аллагъумма сайибан гъаниан ва сайибан нафи-аьн» увкуну хъинссар. Гъарал ларчIун махъ «МутIирна бифазлилагъи ва рахIматигъи» учайссар.

Гужсса, зарал биян бюхъайсса гъаралунния нигъ духъурча, ва дуаь дуккайссар: «Аллагъумма хIавалина ва ля аьлайна». ХIадисраву увкуну бур: «КIира чIумал Аллагънал   дуаь чара бакъа къамул дайссар: чаклин азан тIисса чIумал ва гъарал лачIлалисса чIумал» (Жамиоьл-аХадис, №11324).

Жунма кIулсса куцIуй, щинал ялун Къуръандалул аятру буккирча, га щин дарувну шайссар. Ца чIумал МухIаммад Идавсил   увкуссар цалва асхIабтурахъ: «Бусавив зухъва ца дару, ттунма Жабраил малаикнал лахъхъин бувсса. Му дару кIулманан цамур дарурай аьркиншиву къадикIантIиссар. Гъарал щинай буккайссар аруцIалва сура «Аль-ФатихIа» (АльхIам), аруцIалва «Фаякъ», аруцIалва «Ан-Нас», аруцIалла салават, аруцIалва «СубхIаналагъ». Яла гай щин арула гъантлий кIюрххил ва хъхъурай хIачIайссар», – куну. Аллагънал   кумаг баннав гъарца ишираву Идавсил   суннат бувгъуну бачин.

Агъали бунагъирттая бизар хъуну бур

ЛАКРАЛ РАЙОНДАЛИЙССА ЧIУРТТАЩИЯЛ ШЯРАВАЛЛИЛ ИМАМНАЩАЛССА ИХТИЛАТ

БаХарчиев Нурмухаммад, увссар Рутуллал райондалийсса Дюкьуллал шяраву 1970-ку шинал. Дянивмур даражалул школа бувккуну махъ, армиягу лавхъун увхссар дуклан Дагъусттаннал Бусурманнал Динналул Идаралувусса курсирдайн, машгъурсса аьлимчу Къурамухаммад-хIажи РамазановлучIа. Мунияр махъ зий ивкIссар имамну цала буттал шяраву яла Бархъарав. Цана ЧIурттащиял шяраваллил имамну ва Лакрал райондалул имамнал хъиривчуну зий уссар.

Нурмухаммад-хIажи, инава динналулчIан увкIсса куц буси? На кулпат бувсса чIумал Аллагънал цимилийну дин дайсса халкъуннавун, муридтуравун агъунав, хъхъичIа-хъхъичI миннаяту лахълай, хIаллицIух чак буллай айивхъуссияв. Чан-чанну тIий, динналул мяъна дурчIлан диркIуна: чак циван бан аьркинсарив, мунил агъамшиву цирив, му мяйжаннугу Аллагънал   хъхъичIсса бурж бушиву кIул хъуна. Мичча айивхъуну на Динналул Идаралий дуклай айивхъуссияв.

ЧIурттахъхъун имамну. Шикку имамну ттул шин ххишалагу хъунни, цIана Гъумукту имамнал хъиривчуну уссара.

ЧIурттащиял шяраву мизитравун бучIайсса жамят бурив?

КIикку,цалчин,ялапар хъанахъисса халкъ чанну бур, бумийгу ятту-гъаттаралсса, хъурунналсса буллай буру, чIун къашай тIий личIину чIявусса мизитравун къабучIай. Дуклаки оьрчIругу гъинттул чак бан, Къуръан буккин лахъхъин бучIарча бакъасса цамур чIумалгу къабикIай.



хIадисраву увкуну буссар: «На нигъачий акъара ттула умматраин мискиншиву ялун диянссар тIий, на нигъачий ура Аллагънал   гайннан дуниял титирча, гайннал дин къадитаврия» – куну. Мукунсса иш бур жулва халкъунналгу, хъус цукун лякъин хъинавав, тIий, хъуслиха зий бур. Махъсса ппурттуву динналух къулагъас дуллалиссагу бур, цанчирча, инсантал цивппа бизар хъуну бур бунагъирттая, хIантту хIачIаврия, му цукун къадитан хъинавав тIий, цIухлан бикIай. Ялагу цIанасса заманнай телевидениелу-вух ккаккан дуллалисса чапалшиврулгу бур инсантал хъинну бйайкъин буллай, зия буллай. Ца чIумал хIан хIачIаву мода кунна дуссия, утти инсантуран чIалай бур муния зарал бакъа цукунчIавсса хайр бакъашиву. Мудан школардал учительтал бикIай жагъилтал, дуклаки оьрчIру мий аьркин бакъасса хасиятирттая байшун бансса маслихIатру цIухлай.

Жулва жагъилтуран, кказитрал буккултран цукунсса насихIат банна?

Агарда зун кIул хъун ччай бухъурча дуниял зува лавгун махъ цукунсса дикIантIиссарив, зу бургияра зуярва хъхъичI бивкIми лавгун махъ дуниял цукун дурив. Дуниял мудангу вара-вари, личIишиву дакъассар. Цанасса жагъилту-рал тIайласса, марцIсса элму къаласурча, динналул дикIу, цамур куцIуйсса дикIу, миннан хъинну захIмат хъунтIиссар. ЧIявусса жагъилтал бур цIана, хаснува Лаккуй, цачIун бавтIун дин лахъхъин ччисса, так мий бйайкъусса ххуллийх гъан къабивтун, тIайла бацIан бан аьркинни. Ялун нанисса никиран цIана хъинну захIматсса чIун дур. Нину-бутта бикIай оьрчIал хIан къахIачIланшиврул, къалиян къаучиншиврул ци бан аьркинссар, тIий. Ттул пикрилий, оьрчIан эбрат ккаккан дан аьркинни хъуниминнал. Буттал цала арснахъ на хIангу хIачIанна, къалиянгу учинна, амма ттула арс ина махIачIара, маучара тIурча, муния цукунчIавсса пайда къабикIанссар?! Цалва баймур цаманакъ мабара учаврия хайр къабикIайссар. Къуръанналувугу Аллагънал   увкуну бур (мяъна): «Я муьминтал, зува къабаймур гайминнахъ циван бува тIий буру». ОьрчIал тарбия даву кулпатрава къадайдиширча, школалий, ягу мизитраву гай тIайла бацIан бан хъинну захIматну бикIайссар. Мунияту нину-пугу, школагу, администрациягу, имамталгу цачIун хъуну къазурча, жулва жагъилтал зия хъуну лагаврия нигъ дур. Аллагънал   кумаг баннав!

Ихтилат бувссар Дибир Аьлиевул



Дюкьуллал шяра

Имамнал даву цукун дайдирихъуна?

Дуклай унува, цал Дюхълив имамнал кумагчину лавгуссияв, гикку шин ва дачIинний зий уссияв. КIиккусса мизитту жамятрал цачIун хъуну, хъхъичIава лекъан бувну бивкIсса мизит цIу буккан бувссар 1995-ку шинал. КIикку аьлимталгу бивкIссар. Аьла биву, Кичибек тIисса уссия, урцIалку шиннардий дунияллия лавгуссар. Халкъуннал бусаврин бувну, га Сугърахъсса мадрасалуву дуклай ивкIун ур. Совет хIукуматрал чIумалгу, ганал щинчIав цичIав лахъхъин къабаншиврул,ялуд бавцIуну бивкIссар, цимилагу автIунгума ивкIун ур. Мунияр махъ ттул элму чанну духъукун, кIиккугу лахъхъин данми чанну бухъукун, Ленинкентлив мизитраву зий уссияв, гъарца къини МахIачкъалалив дарсирайнгу занай. Мунияр махъ,аьла биву,Абдуллагъ Алишаевул ттухъ миннат бувна Бархъарав мударисну насу куну. Нагу уссияв ттул элму дакъар, цал дуккаву къуртал данна, тIий, амма думур элмуту гъассарча насу тIий гъан увнав. КIиккугу ряхра-арулла щинай мударисну зий уссияв. Ца ппурттуву Бархъаллал чIаравсса Хъюллал шяраву имамнугу зий уссияв. Яла Бархъарав дурккусса оьрчI увкIун, Хъюливгу агъалий чанну бунутIий, Динналул Идаралул вакилтурал на гъан увнав

Шяравусса мизит та бувсса бур?

Мизит хъхъичIавасса бур, цIана кIа бакъин буллай, цIу буккан буллай буссар, магъи дирхъуну дур, амма чIярусса давуртту уттигу лирчIун дур.

Жунма кIулли ЧIурттащи аьлимту-рал шяравалу душиву. Вища минная ци бусан хъунссар?

Мяйжаннугу, бусаврин бувну, кIикку мадарасса аьлимтал бивкIун бур. Сайфуллагъ тIисса ивкIун ур хъунасса аьлимчу, Ибрагъим тIисса ивкIун ур, мунал зиярат буссар цIанагу ЧIурттащиял шяраву. Му цувагу Къукуннал ХIажи-МусачIа ккалай ивкIун ур. Ми бакъассагу, цаймигу аьлимтал бивкIун бур кIикку къанкъасса динналий бавцIусса. Репрессиярду хъусса чIумал ми циняв бувгъуну бат бувну, так ца Сайфуллагъ ливчIун ур, Аллагънал   цимилийну. ЦIанагу Шурагъ уссар ЧIурттащиял ХIасан-хIажи, лакку мазрайсса динналул луттирду чивчусса аьлимчу, шяраваллил жамятрангу хъинну бусравсса.

Имамнал давриву цукунсса захIматшивурттащал хъуна акъин багъай?

ЦIана Лаккуйсса жамят динналул чулухунмай бивкIуну бур. Идавсил  

Аюб عليه السلام идавсил къисса

ГЪУМУЧИЯЛ ГЪАЗИ АЛЪ-ХІУСАЙНИНАЛ «МАТІАЛИОБЛ ЖУМГЪУР» ТІССА ЛУТТИРАВА

Аюб عليه السلام идавс ивкІссар ИсхІакълул عليه السلام арнал Аьйслул авладрайтуса. Ганал РахІмат тІссса шарссагу диркІссар, цуппагу Юсуфлул عليه السلام арнал душ. Аюблул عليه السلام нинугу ЛутІлул عليه السلام душ бивкІун бур. Му цувагу Димашкъаллал чулухсса ХІуран тІссса кІанайн идавснугу гъан увну ивкІссар. Аюб عليه السلام цувагу хъинну аваданну ивкІун ур, чІявусса хъамал къамул байсса бивкІун бур, чІявусса миски-гъарив ябайсса бивкІун бур. Мунал тамансса оьрчІругу бивкІун бур. Му Аюблул عليه السلام эбадатругу диркІун дур гъич аьбидтураца дан къашайсса. Мунияту иблис мунайн хъинну хІусуд хъун бивкІун бур. Му чІумал иблис ссаруннайну лахъайсса бивкІун бур, малаиктуращалу ихтилат байсса бивкІун бур. Малаиктуралгу Аюблугу عليه السلام цІарду дуллаи бивкІун бур ганал эбадатиртал чІярушивруя, чумартшивруя, чІявусса хъамаллуран ччатІ булаврия. Микку иблислул увкуну бур: «Агар Аюб عليه السلام мискинну ивкІссания, ганал Аллагънаха عليه السلام лагъшиву-эбадат къадантІссия», – куну. Аллагънал عليه السلام иблислучІан ца малаик гъан увну увкуну бур: «На ххал банна Аюб عليه السلام мискинсса чІумал ци дуллан икІайрив», – куну. Яла аьрщаравату ца цІу дурккун, Аюблул عليه السلام циняв хъуру ва гъаттара ччуччин бивну бур. Яла иблис ганачІан увкуну бур: «Вил циняр хъуру-гъаттара ччуччуну», – куну. Аюблугу: «АльхІамдулиллагъ, Аллагънайн عليه السلام шукру Цала дуллумур махъуннай ларссса», – куну бур. Яла иблис махІрумгу хъуну, махъунмай ссаруннай лавхъун бурча, малаиктурал ганихъ цІувххуну бур: «Цукунсса ия Аюб عليه السلام?» – куну. «Аллагънайн عليه السلام вихшала дуну, таваккул дурну ия», – куну бур иблислул – «Аллагънал عليه السلام на ганал оьрчІайн мусаллатІ байссания, ганал муксса ссавур къадантІссия», – куну. Мусят Аллагънал عليه السلام гъан увсса малаик ливккун, увкуну бур: «Ина мусаллатІ бувссара ганал оьрчІайн» – куну. Иблис лавгун, Аюблул عليه السلام къатта сукку бивну, ганал оьрчІал, кулпатрал ялун лекъан бивну, циняв гъалак бивну бур. Яла цала миХІрабраву чак буллалисса АюблучІан عليه السلام лавгун, цалла къуллугъчи-шарссанил сипатрай вев-шев тІун бивкІун бур, къатта лувкъунни, оьрчІру гъалак хъунни, тІий. Аюблул عليه السلام ялагу: «АльхІамдулиллагъ, Аллагънайн عليه السلام шукру Цала дуллумур махъуннай ларссса», – увкуну бур. Иблис ялагу ссаруннай лавхъун малаиктурахъ бувсун бур Аюб عليه السلام Аллагънайн вихну, ссарундай авцІуну ушиву. «Аллагънал عليه السلام на ганал чурххайн мусаллатІ

барча, ганаща ссавур дан къабюхъантІссар» – куну бур. Му ссят малаик увкІун, увкуну бур: «Аллагънал عليه السلام ина ганал чурххайн мусаллатІ бувссара», – куну. Иблис ххари хъуну АюблучІан عليه السلام гъан хъуну, майравун уф куну бурча, щалва чурх цІарал ччулачисса кунма, ччун бивкІун бур. Яла ганал цала чурх чарттах ссуку буллаи чурххая дикІру дагъну дур, михъру зивзуну бур, ттаркІру чІалан диркІун дур, чурххайн шатта багъну бур. Яла иблис инсаннал сипатрай га шярваллил агъулданучІан лавгун, Аюб عليه السلام шяравату уккан увара, мунаяту зуйннагу цІуцІаву къалахъан, куну бур. Яла гайннал РахІматлукъ Аюб عليه السلام уккан ува, акъахъурча ивчІанну, куну бурча, ганилгу лас цила мукъах ившуну, ца арив увзуну, дачІрасса аьрщарай ивхъуну ур. Му кІанттай Аюб عليه السلام арулла шинай ливчІун ур, шатралгу чурх канай. Цала шарсса РахІмат дакъа муначІан цучІав гъангу къавхъуну ур. Му диркІун дур шярваллил агъулданучІан занай, миннал давурдив дуллаи, ливкІусса ччатІ-дукра Аюблун عليه السلام лавсун занай. Яла иблис шярваллил агъулданучІан бувкІун, увкуну бур: «РахІмат зучІанна духан мадитари, мунил цила ласнал цІуцІаву зуйнгу лахъан дантІссар», – куну. Яла гайннал увкуну бур: «Вила ласгу увзуну жучІату арх хъу, акъахъурча жу ина чарттах дирчІанну», – куну. Ганил Аюбгу عليه السلام мукъах ившуну, шярваллияту архсса кІанайн ларгун дур. Гикку лув къунгу бивхъуну, бакІрацІ чаругу бивхъуну утту ишин увну ур. Яла РахІматлул увкуну бур: «Я Аюб عليه السلام! Аллагънаяту عليه السلام вина цІуллушиву чІа уча!» – куну. Ганалгу увкуну бур: «Аллагънал عليه السلام жува Цала неъматиртаву бивтхъурча, утти балардавугу ссавур дан аьркинссар» – куну. Яла РахІматлул банбит бухлавгун, цила хІаллу къувкъуну ца кІюлаччатІух бахана бивну, га ччатІ Аюблун عليه السلام лавсун дуркІун дурча, ганал ва чая куну цІувххуну бур. Укун ласав куну бувсун бурча, Аюб عليه السلام идавс аьтІунгу ивкІун, ссарундай авцІуну ур. Яла иблис хІакин хъуну РахІматлучІан бувкІун, увкуну бур: «Ина Аюблул عليه السلام шарсса дакъарав, на ганан дарув банна!» – куну бур. «Цири ганан дару?» – цІувххуну бур РахІматлул. «ХІайван бивхъун, Бисмиллагъгу маучарача, чахиргу хІачІича, га хъин хъунтІссар» – куну бур Иблислул. РахІмат ларгун АюблучІан عليه السلام бувсун бурча цанмасса дару, ганал сси бивзун, га иблисрихха, куну бур. Сситтвух хъа бивну бур цува цІуцІаврия ххассал хъурча, танмиХІран РахІматлукъ

ттуршва щяпа бищунна, куну, иблислукъ ттул лас Аллагънал عليه السلام хъин антІссар къаувкунутІий. Яла шатрал Аюблул عليه السلام чурх канай мазрайн бивну бурча, га нигъа увсун ур Аллагъ عليه السلام кІицІ лаган къабюхълай личІаврия. «Я Рабби, утти ттул ялун бала бивунни» – куну бур. Микку Аллагънал عليه السلام ккавккун Аюб عليه السلام так Заннахлуну عليه السلام цІуру-кІуру тІий ушиву, Жабраил малаик Алжаннавасса суну ларсун гъан увну ур ганачІан. Га суну дукайтту, ганал цІуцІавуртту цинярдагу духларгун дур. Яла Жабраилул ганахъ изу куну бурча, «цукун изава, ттуй гуж къаливчІунниха», куну бур. Жабраилул ганал ка дургъуну ацІния кІива ша ласун увну ур. Яла вила киямур ччан щяв ши кун бурча, щайхтту гича кІирисса щинал шараци бувккун бур. Ялагу урчІамур ччан щяв ши кун бурча, щуну дяркъусса щинал шараци буккан бувну бур. Яла Аюблул عليه السلام гъели щинай чурх шювшуну бур, дяркъумий хІарчІун дурча, цала хъхъичІрасса ххуйшиву, чурххал къувват кІура бавну бур. Ялагу Жабраил Алжаннавуту халат ва таж ларсун увкІун, гай Аюблукъ عليه السلام ларххун дурча, га баргъ куна чанна лавхъун ур. Мусят Аюблул عليه السلام шукрулул кІира ракааьт чаклил дурну дур. Му чІумал РахІмат диркІун дур ласнан дулунсса дукра ххал дан ларгун. Махъуннай занна шайхтту ганин Аюб عليه السلام къалявкъуну урча, оьвтІун диркІун дур «Я Аюб ина чув ура, ина жанавартал увкурав ягу лухчинувун оьвкрав!» – тІий. БакІрай тажгу бивхъуну кувссай щяивкІсса Аюб عليه السلام ганин къаувчІуну ур. Яла ганал увкуну бур: «На Аюбра, Аллагънал عليه السلام на хъин увунна», – кунуча, шарсса хъинну ххари хъуну дур. Яла Жабраил малаик увкІун мунал къатлукъ ишара дурну, къатта бакъин бивну бур, Аллагънал عليه السلام мунал оьрчІругу уттава бивну бур, бакІлахъругу кІура даен дурну дур. Аюблунгу عليه السلام цалва ккювхІусса баларду хъама бивтун бур, арулла шинай ссавур дуллаи цала дурхІусса захІматшивурттугу дакІния дурккун дур. Яла Аюб عليه السلام идавсин дакІнин багъну бур РахІматлукъ ттуршва щяпа бищун хъа бувшивуча, ци бан хъиннивав тІий ивкІун ур. Яла Жабраил увкІун, ттуршва щяпуя къав бавхІуну цал архІал РахІматлукъ бища, куну бур. Мунияр махъ Аюб عليه السلام ивчІаннинца неъматраву ивкІун ур, ивкІусса чІумалгу оьрмулул арулцІаллий шанна шин диркІун дур. Му ХІуран тІссса кІанай увччуну ур. Га ивкІкун, ганал оьрчІругу цува кунма эбадат-гІааьт дуллаллисса хъуну бур.

Сайфуллагъ-къадиннаха



НицІавкІуллал ххира шайх, ХІусайннул арс Сайфуллагъ, Байтуллагъ агълулува ляхъан нясивну хъусса. ХІусайн, вил ххира бутта, аьлимчув ивкІун ури, Цала ххюя уссицал элму дурккуну дури.

Идавсил عليه السلام наслулия оьттул хха виьну бивсса, Дагъусттан барачат бан Аллагънал عليه السلام тІайла увксса, Нафс разиялул заллуи, марцІ динналул мужаддид Караматру гъарзасса къутІбу Сайфуллагъ-къади.

МукъаЦалла макъамирайн ина гъаз хъуну ура, КъутІбу-гъавснал даража Заннал عليه السلام вин буллулу бур. Мунал куртІсса элмулу багъа бищун къашайссар, Му сававну Дагъусттан нурданул чанна лавхъссар.

Сайфуллагълул сакин був элму лахъхъай луттирду Бусурманнал минардай къимат лавайну бури, Мунал канил чивчусса «Мактубат» цІа дусса лу Дамаск шагърулий цІунил итабавкъуну бури.

Жула ххира Идавсил عليه السلام аманат бувсса ххулуу ЦІакъну бувгъуну бури, чувчІав баччин къабувну Идавсия عليه السلام нанисса мусил силсилалува Агъамсса кюруну хъун вингу нясив бивну бур.

Ина жун ккаккан бувсса тІарикъатирал ххулуу Дагъусттаннай уттигу цІакъну лавсун най бури. Татарнава тІарикъат Дагъусттаннайн занна хъун Сайфуллагъ савав хъуну Заннал عليه السلام нясив бивну бур.

Накъшубанди тІарикъат хъхъичІра-хъхъичІ ларсун дури Зайнуллагъ-Шарифия Троицк тІссса шагърулий. Татарнал лавайсса шайх Мурадулла устазнал Увайси тІарикъатрал амру мунайн бивну бур,

Щазали тІарикъатрал изну цахъхъун буллусса МухІаммад-Салих муриид цал машаих хъуну ур. Щазали тІарикъатрал къутІбулу ина ура Жул мубарак Сайфуллагъ, даража бюхттулсса шайх.

Идавсия عليه السلام нанисса тІарикъатрал марцІ ххулуу КуртІну, хІурмат лавайну ябуьну ивкІун ура. Вил маъзунну цув хъусса КъахІиблиясса ХІасан (къ.с.) Аллагънал عليه السلام кумагиран вичІан тІайла увккун ур.

Буттал ва арнал дянив къадикІайссаксса ччаву Тарикъат сававирай зул дянив хъуну дури. АцІния ххюва рангсса маз вин кІулу бивкІун бур Медициналул элму немец мазрай чирчун дур.

Немецнал хІакинтурал инсантал хъин бавриву Ина чирчу давурттив ишла дуллаинма бури. Уртту-тІутал вихъ гъалгъа бувайсса бивкІун бури, Ци цІуцІаврия цирда даруну хъунтІссарив.

Аллагънал ххира валий, Сайфуллагъ-къади устаз, Ялувсса Къазанишлив вил гъав нясив хъуну дур, Ина увччу хІатталу Бакъия хІатталиха Лацан дуруну дури жулва машаихтурал.

Мукъа устазнал гъаврду хІатталив цІана дури Лагма-ялтту цаймигу валийтал бувччуну бур. Зияратрай вичІанма заннази муридталу Вила шафааьтрая махІрум хъун мабувара.

Муридтурал кунмасса аьмал жул бакъанугу, Муридтал увкуминнан шафааьт биян бува!

ФатІима, ш. МахІачкъала

Имам Шамил Ккулун увкисса куц

1842 шинал июнь зурул 1-2-нний Ккуллал шяравун увкуну ивкиссар дунияллик машгур хьусса виричу – Имам Шамил. Мухаммад-Пагъир аль-Къарахъил «Дагъустаннал турдал пар имам Шамиллул талатавриву» тисса луттираву чичлай ур: «...Гъази-Гъумучату увкуну имам авцуну ур Ккул-Хъусрахъ, мунал мурид-турал хъирив кликкун бувкуну бур оьрусгу, амма кай бавцуну бур цамур чулух. Чал къавхуну талатаву хуну дур, яла хъхъувай имамнан бавуну бур оьрус цала ттупащал ва чятирдащал Гъази-Гъумучи къабивтуну лавгшиву. Муниату хъхъувай имамнал баян бувна муридтал бацан аьркиншиву Гъази-Гъумук...»



ХханацIалу.

Халкъуннал бусласаврин бувну имам Шамил Ккулун Дандахъал Щайх-АхIмал къатраву хъамалу хъуну, гъантта ивкун ур. МинначIа чивисса чIавахъултивух цала бакIгу къатIув дуккан дурну имам уруглай ивкиссар тIар ХханацI-зунтгуйсса талатаврик чIун-чIумуй яру мазрай: «Къаби, ХIажимурад, къаби!» – тий («къаби» рица тиссар). Ялагу чIавуну: «... Я Аллагъ, Я Аллагъ...» – тий, дваь дуллай ия тIар. Буслай бур, яла имам Шамил бакIрай хъунмасса чалма буну, цала бакI захIматну махъунмай буххан бувсса та чивисса чIавахъултивух. Дундар ХIажиевлул «Ккуллал шяраваллил тарих» тисса луттираву чивчуну бур: ЧIавуми цала аьралгу Гъази-Гъумучиял ялув сангар дурну къабивтун,

хъяхахIала аьралуннащал лавгун, Шамиллун къаст хъуну дур Ккуллал шяравалу ласун. Шарнил хъхъичIсса ХханацIалу тисса зунтгуй буссар «Къараул бакIурду» тисса, шяравун нанимур ва шярава буклакимур ххуллу чIалачIисса бакIурду. Кай бакIурдачIа мудан къарал бикIайсса бивкун бур. Нажагъ нигъачIаву ялун диллалисса иш бухъурча, ттупанг битайсса бивкун бур, ягу цIу дишайсса диркIун дур. Му чIумал мугълат бакъа кумаг буккайсса бивкун бур. Мукунмасса къараллу бивкун бур Оьлузил бакIуйгу, Хъанайннал машилулчIагу. Оьрмуллу хъунисса арантуннал бусласимунин бувну, ца интту къини «Къараул бакIая» леххаву дуртун диркIун дур. Му чIумал щала щар

гъаз хъуну дур кумагран. Ххал барча, Ккуллал шяравун буххавай, мюрид-туращал архIал имам Шамилгу, наиб ХIажимурадгу най бивкун бур. Шантуршунная ливчусса бурт-тигъалтращал архIал Ккуллал шяравун имам Шамил учIаврил савав му чIумал щинчIав кIулну къадиркIун дур. Бусласаврин бувну, Шамиллун ччай бивкун бур Ккуллал жяматращал дусшиву дан, чIавусса чиваркI бусса шяравалу цала чулий дацIаву мурадрай. Ххаржандалиий ка дирхъуну къабувкисса мюридтал ххуйну къамул бувну бур Ккуллал жяматрал. Шяраву хъамалугу хъуну, гъанттагу бивкун бур гай. Хъиривмур къини, кIюрххил Шамиллун укунсса сурат ххал хъуну дур: Хъуннеххал тиячулий, шяраваллил хъхъичIсса Ялтту

ар тIисса кIанттай, хъинну чIавусса чятирдугу бивщуну, бигъалагалисса оьруснал аьрал. Аьралуннал хъунамагу ивкун ур Аргъутинский тIисса генерал, ганащалгу бивкун бур 600-нная ливчусса аьрал. Къанкъа-къурчIисса Ккуллал жяматрал хъхъичI цува къюкъакъиншиврул, Шамиллул къаст дурну дур оьруснал аьралуннащал рищаву дан. Ккуллал хъуначувтурахъ Шамиллул куну бур: «Зу оьруснал аьрал ххуйну хъамалугу бувну, хъамарал дизлазисса дукъра ХIанттилгу буччин бувара», – куну. Оьруснал аьрал хъамалу хъанай бунува, ХIажимурад аьралуннащал гъан увну ур гайннан къачIалачIимур чулуха ХханацI-зунттул бакIрайн уккан, цанчирча, бакIрай мюридтал ххал шайхту, оьруснал аьралуннан бачин багълай бивкун бур бакIлавай, душманначIан гъан хъанан. Му шяраваллил хъхъичIсса ХханацI-зунттул хъуну дур гужсса талатаву. КIивагу чулуха чIавусса аьрал къатI хъуну бур. Инсантурал бакIру, чарил ккузри кунна, зунттух яларай ккуру най диркIун дур. Тгуккул ламул ялувсса ца щаращигума оьттул ятIул бувну бивкун бур. Куннал хIакъинугу кликкисса щарашуйн «Оьттул щаращи» учай. Шярава уруглагисса Шамиллул чIун-чIумуй учайва тIар: «Къаби, ХIажимурад, къаби!» – куну. Ва къанкъасса талатавугу Ккуллал жяматран ккаккан дурну, Шамил аьралуннащал лавгун ур Хъусрал чулухунай.

ХIадур буссар
ХIажимурад МухIаммадовул

СубхIаналлагъ, альхIамдулиллагъ учаврил ххирашиву

Аллагъу Тааьланал Аьршур-рахIман ляхъан бувкун, му гъаз бувну ласунтIисса ХIамалатул-аьрш тIисса малаиктурахъ амру бувссар, му гъаз бара куну. Миннаща му сукку бан къавхъуссар. Яла Аллагънал ﷻ увкуссар: «СубхIаналлагъ» учара, – куну. Яла му увкукун, му сукку бан бигъа хъуссар. Яла ми малаиктурал «субхIаналлагъ» тий бивкиссар, Адам ﷺ ляхъаннин, му ххирасса калима духъунссар тий. Яла Адам ﷺ ляхъан увну мунал аьнч увкукун, Аллагънал ﷻ мунал дакIнийн илгъам бутун, аьнч учайхту «алхIамдулиллагъ» куссар. Ялагу ми малаиктурал ва калимагу ххирасса духъунссар куну, мугу ганицун лачIун дурну кIирагу тий бивкиссар, НухI ﷺ ляхъаннин. Яла Аллагънал ﷻ мунахъ амру бувссар вилва къавмдалухъ «лаилагъа илла ллагъ» тIутIяра уча, куну. Му чIумалгу ми малаиктурал увкуссар «Вагу шамилчинсса ххирасса калима» куну. Мугу гайннушал тIун бивкиссар. Яла Ибрагъим ﷺ идавс ляхъан увну мунал къурбанну биххансса кугу буллуну, Аллагънал ﷻ му бихха куну, биххайни мунал «Аллагъу Акбар»



увкукун «вагу мукъилчинсса ххирасса калима» куну, мугу гайннушал тIун бивкиссар. Яла Мухаммад ﷺ идавс уккан увкун, мунахъ Жабраиллул му хавар бувсукун, Мухаммад идавсилгу ﷺ муний аьжаившиву дуллай увкуссар «Ла хIавла вала куввата илла биллагъил аьлийил аьзийм», – куну. Яла Жабраиллулгу увкуссар малаиктурахъ «Ва калимагу гайннуцун лачIун дара», – куну. Ялагу муний ххирасиву: Расуллагъ ﷺ Миъражрайн лавхъусса хъхъуну мунал ца хъхъири ккаккиссар

савруннай, мунил хъуншиврул къадаргу Аллагънал ﷻ бакъа къакIулсса. Му хъхъирил зуманивгу Идавсин ﷺ ца малаик ккаккиссар лелуххул суратрайсса, арулцазарда хъадуса. Аллагънал ﷻ лагънал «субхIаналлагъ» увкукун, му малаик сукку шайссар. Мунил хъирив «валхIамдулиллагъ» увкукун, ми хъаттирду тIитIин дайссар. Яла «лаилагъа илла ллагъ» увкукун леххайссар: «аллагъу акбар» увкукунгу му хъхъиривун буххайссар, «ла хIавла, ва ла къувата илла биллагъил аьлийил

аьзийм» увкукунгу бувкун мива, цилла хъаттирду ппив дурну палцI дайссар. Гъарца хъаттирайтугу арулцазарва кIунтI багъайссар. Гъарца кIунтIлиятугу ца-ца малаик ляхъан увну, Къиямасса къини дучIаннин тасбихI-тагълил дуллай, му увкунал аьпа чIа тий бикIайссар. ХIасил, мунир ххирасса калима дакъассар. Алжаннуну хъхъичI акъаймур – мури. Дуржагърая арх аймур – мури. Му увкукун мунал бунагъру зизайссар къавкъсса чIапIив мурхъирая зизайсса кунна. Аллагъу ﷻ цимилийну уругайссар мунах. ХIатта, инсантал бакъасса цайми хIайвантрал, аьрши-чарил, рухI думунил, дакъамунил, гъарзадрал Аллагънаха ﷻ тасбихI дуллалиссар, чакру буллалиссар. Миннул цинявннул тасбихIгу, чакругу ми калиматури. Мукунма ххирасса калимари «субхIаналлагъи ва бихIамдигъи, субхIаналлагъил аьзийм» учавугу. Му цал учирча ацIра хъиншиву чичайссар, ацIва учирча – ттуршра чичайссар. Ттуршва учирча – азарда чичайссар. Муниргу ххишала учирча хъиннура чIярусса чичайссар. Му увкутари, мунал Алжаннаву мурхъ бищайссар.

Мукунма ххирасса калимар «Лаиллагъ илла ллагъу, вахIдагъу ла шарика лагъу, лагул мулку валагъул хIамду, ва гъува аьла кулли шайин къадир» учавугу. Му цал учирча ца лагъ тархъан ивтссаксса чире буссар. АцIилва учирча мукъа тархъан ивтссаксса буссар. Ттуршилва учирча ацIа тархъан ивтссаксса буссар, ттуршра хъиншивугу чичайссар, ттуршра оьшивугу лиххан дайссар, щайтIаннул оьшивриягу уруччайссар. Мукунма ххирасса калимари «астагъфируллагъ» учавугу. Му чIавусса увкуссаксса буруккин яла гъан байссар, къумашиву яла гъан дайссар, кIул бакъасса чулухату Аллагънал ﷻ ризки зияда байссар. Мазраву бахчилачаву думанал чIавуну учирча итабакъайссар. Хаснува, бунагъ хъунсса калима зумату дурккун, оьккисса зад канища бувкукун, щайтIаннул хияллу дакIнийн багъувкун учин ялувссар. Расуллагънал ﷻ цавагу оьккисса зад къабайсса бивкиссар, къабувнагу къинилий ттуршва «астагъфируллагъ» тий ивкиссар, мунил даражагу, чиригу хъунманутIий.

«ГъунчIукъатIан»

Хлажи-Къистаман

Имам Шамиллул Гъумучатусса наиб Рашкъухъал Бюкъ-МухАммадлуя чЯвусса бусаларду ва балайрду бур халкъуннаву. Лакраннир ганал хАлкъазия ххуйну кАулну бур яруссаннан. Бюкъ-МухАммадлул къюкълуву сайки циняв лак бивкАун бур. ИвкАун ур ганачА Закарижа тИсса цала ссурахълиссил, Къистаманнул, ласгу, хъинну виричусса, жагълисса адимина. Га чАумал Закарижанал ва Къистаманнул кИва мюрщисса душругу бивкАун ур: ПатИмат ва Мариян. Къистаман Къуръан кАулсса, дин-чак дуллалисса, хъинну бакАрал чурххалгу гъайбат дусса, Гъумучиял хъамидушвараву сий дусса хъамитайпа бивкАун бур. Ганил хъунама уссу МухАммад та чАумал Гъумучиял Хъун мизитраву къадину ивкАун ур, имам Шамиллуцал энадрайсса Гъумучиял Агълар-ханная къюлтАну Шамиллул кумаг гу булла ивкАун ур.

Рашкъухъал тухумрал имам Шамиллуцал хъхичАарасса дусшиву ва дахАаву диркАун дур, цанчирчан, Шамил Гъумук щайх ЖамалуттиннучАан тАарикъатрал иширттай увкАсса чАумал, Хъун мизитрал чАаравсса Рашкъухъал къатраву ялапар хъанай ивкАун ур. Гъази-МухАммад ва Шамил гъазават бан сукку тАутИсса чАумалгу, къюлтАну бучАйсса бивкАун бур щайх ЖамалуттиннучАангу, МухАммад-къадиначАангу Гъумучиял чиваркАуннал чулуха цанма ци кумаг хъун тИй бурив ккаккан, маслихат бан.

Яла махъ, Къистаман шар буллалисса чАумал, дяъви най буну, цува хъатАун учАан бюхълай акъахъувкун, Шамиллул цацАава къуллугъ буллалисса гъаркАассиричу гъан увну ивкАун ур хъатАун биххансса ниц бувцуну.

Къистаман шар хъуну, лахъи-утга къалавгун, Закарижа ва Къистаман дучрайгу бурттий занан бивкАун бур къурух, зунтАавух, кув чАумал диндалул дяъватрай най буру шархъавун куну, цаппара гъантрайсса бакъагу шайсса бивкАун бур. Амма иш мукун къабивкАун бур. Гай

лагайсса бивкАун бур яруссаннай Бюкъ-МухАммадлуя Гъумучиял гъан бувсса ярагъгу суратгу лавсун. Та чАумал Гъумучиял сий дусса къатрал хъаннин чай буртти бивкАуну къюкъалану ккалли байсса бивкАун бур. Закарижанал гъанчувгу ганай бюкъу-аъй дулла ивкАун бур, жагълисса шарссагау чай буртти риртун шархъавух занай ур тИй. Амма Къистаманнул уссийн МухАммад-къадинан ва Закарижанал ниттин бакъа гай чун лагайссарив кАулну къабивкАун бур. Цал аърхАал дяъватрай лавгсса лас ва шар аърхАал махъунмай занна къабивкАун, Къистаман цуппалу бивкАун бур. Бувсун бур ласнал ниттихъгу, уссийхъгу, Закарижа Бюкъ-МухАммадлуя авцАунни, куну. Гания мукъах Къистаман цуппалу лаглан бивкАун бур. Закарижа Шамиллуцал лавгсса бавну Агълардун, гайннал къатрачАа къарал бивтун бивкАун бур. Утти Къистаманнул хъинну жапану бивкАун бур шаппату чунбунугу гъан. Кув чАумал хъхъувай, къюлтАну шаппату лавгун, гъунтихавай цумур-дунугу ца лакрал шярвун занна бивкАуну бивкАун бур, кАикку мизитраву дин-чакгу дурну, дяъватгу бувну, Гъумукун кАура баяйсса бивкАун бур. Ганил хъирив бавцАусса ханнал нукартурал чара бакъа кАул байсса бивкАун бур мийжаннугу Къистаман кАа шярвун бивкАун бивкАун бурив, бакъарив. Га мийжаннугу кАиккун лавгун бивкАуну мийжан хъувкун, ханнахъгу бусайсса бивкАун бур. КИра шинава талатавриву ивкАуну ур Къистаманнул лас, Закарижа. ЩихъчАавгу къацАувххуну, Къистаман лавгун бур ласнал леххаврий, амма Агълардул танал жаназа Гъумукун ласун ихтияр къадуллуну, шярваллил къатАув уччин багъну ур. Лас ивкАуну шин ларгукун, Къистаман ялагу занан бивкАун бур цила аърххирдай, амма утти ласнал ниттин му къулай къабизлан бивкАун бур. Гайннал дя-зума лиллан диркАун дур. Ахиргу бувцуну кИвагу душгу Къистаман буттал къатлувун уссийчАан бивзун бур. МухАммад-къадиначАан гай цалами оърчАа личИий къабувну, аякъа дуллан ивкАун ур. Къистаман лас

ивкАуну мукъах хъиннува диндалу-хун машхул хъуну бур.

Цал цаппара лакрал диндалул арамантал ва хъами хАажлив бачин сукку хъусса чАумал, Къистаманнунгу гайнначал бачин ччан бивкАун бур. МухАммад-къадиначАан маслихАат бувну бур ссийхъ Бюкъ-МухАммадлуя ва Шамиллуя рухсат ласун насуну куну. Лавгун бур Къистаман Яруссаннай. Бюкъ-МухАммадлуцал архАал лавгун бур имам ШамиллуцАангу. Бюкъ-МухАммадлул цахъва укунсса иширай вичАан Къистаман бувкАун бур куну, увкуну, Шамиллул: «Буху уча», – куну бур. Яла кАура авну цацАава щябивкАсса наибтурахъ: – ЦАанакул зун ккаккантИссар Гъази-Гъумучиял гъайбат дусса хъамитайпа, — куну бур.

Та чАумал яруссаннал хъами-душру итта пардав дакъа араманначАан къабуккайсса бивкАун бур, амма гъумучияллив тачАав мукунсса аьдат къадиркАун дур.

Шамиллул хъинну хАурматрай къамул бувну бур Къистаман, хАажлив гъан изнугу буллуну бур.

ХАажлия занна бивкАун мукъах Къистаман хъинну чанна бакъа яруссаннай къалагайсса бивкАун бур.

Ца къини Гъумукун бавну бур Бюкъ-МухАммадлул къюкъа оьруснал пасат дурсса, цува Бюкъ-МухАммадгу гайннахъхъун ясирну иривсса. ШихъчАав ссийхъгу къадурккун, Къистаман хъинну анаварну лавгун бур яруссаннай. ХАажли-Къистаман Бюкъ-МухАммадлул леххаврий лавгсса бавну Агълардун:

– Ласнал леххаврий лавгун бивтссия, ттула душманнал леххаврий лавгун къабитанна! – куну, баян бувну бур.

Ханнал сси-агъуллуя бавсса ХАажли-Къистамангу тийхъа бавцАуну, мюридтуран кумаг буллалисса хъаннищал зун бивкАун бур. Шин ххиша-лагу хъуну дур ХАажли-Къистаманнул яруссаннай. МухАммад-къадинан баллан бивкАун бур цала ссу ярагъгу канил бувгуну, талатавурттаву гуртту хъанай бур тАар тИй. Ца дяркъусса ссутнил хъхъуну МухАммад-къадинан бавну бур цала дарвазалуха хАу-хАу тИсса чал чАу. Анаварну бартукъгу ялун бувтун,

хъулухун увксса – чал кАиллувун багъну хАлдания лавгсса ссу лавкъуну бур. Хъап куну гагу къатлу-вунмай бувцуну, чирахъ лавхъуну бур – ссу оьттувун бахълавгун ккаккун бур. Ялун бувхсса цала кулпат леххаву тАун бивкАйхту, МухАммад-къадиначАан ганил, къацАлий хъатту дирхъуну:

– ЧАу-чИтА буккан мабара, анаварну ванилсса бува! – куну, цува дарвазалухун увккун ур. Цийнма цуппа бувкАсса ХАажли-Къистаманнул:

– Тгухъ зума мацАухларди, талатавриву щавари хъусса чурх шаппай лавсун бувкАсса, ттула буттал аьрщарай гъав хъуншиврулла, – куну бур. Та чАумал 12 шин хъусса ПатИматгу, 10 шин хъусса Мариянгу ниттичАату сукку къавхъуну, ганилсса буллан бивкАун бур. Хъиривмур хъхъуну увкАун ур яруссанная Шамиллул гъан увсса хАаким.

– Имам цала цАуллушиву къурван дан махъунай акъа, так ина хъин хъурчан, Заннал ﷺ ххуллий къанкъа дува, вила къувватралгу Занналгу ка бавкъуну, ина хъин хъунтИссара, иншаАллагу! — куну бур хАакимнал.

– АлхАамдулиллагу щукру! Буси имамнахъ Аллагу Тааьланал хъирив ттун яла бусравма цува ушиву, – куну бур ганилгу. ХАажли-Къистаман щавурду дирну шаппай бувкАсса бавсса Агълардул :

– Оьруснаца рутан къархъусса ХАажли-Къистаманнул бакА ва турлих ца мугълатрай на батАул даннахъа! – куну бур, канихъсса тургу каниву къавтАутИ дуллаи. Уссил-шарнил дюъ дирхъуну дур ХАажли-Къистаманнул, цукунчАав шания мабизара, хан муних ялугълай ур, куну.

– Ханнаца ттун танмихА бан къашайссар, на цанма ханнан къаккавксса талихА-тирхханну ккакксса инсанна! АлхАамдулиллагу щукру, ханнал биялалун бакъара нанисса, Заннал биялалунна, – куну бур ганил.

Ца нюжмар цАуцАи шанийгу дурну, тти хъин хъанай бур тИсса чАумал, ХАажли-Къистаман цакуну бивкАуну бур.

Миясат Шурпаевал «НукАу заманнул хаварду» тИсса луттирава

Багъа бищун къашайсса хъус

1 « Инсаннаца чАумун багъа бищун къашайссар, лахъхъусса къинигу бивгъусса ссийхъгу махъунмай занна къабикАантИссар. Инсаннал яла хъуннамур хъус – чАунни.

Аллагу Тааьланал акълугу кАулшигу дуллуманан лайкъ бакъассар цалла чАун бунагъиртан, бачАавасса хавардайн харж даву. Инсаннахун дахчилачисса яла хъунмур дахшишну хъанахъиссар хАакъину дан шаймур гъунттинин къадитаву. ГъунчАукъатАатусса Къурбанаьлил «НасихАатуль аьвам» тИсса луттираву увкуну бур: «ХАакъинумур гъунтти бан бивтун, гъунттимур та бави!», – куну. Ца валийнахъ насихАат бува кусса чАумал, ганал увкуну бур: «Гъунтти банна» тИсса махъ хъамабити», – куну. ХАакъину дургъуну, гъунтти бакАлахъру датАйссар, акъахъурча, тавбу дуллан багъантИссар тавбулул кумаг къабайсса чАумал. Имам ХАсан аль-Басринал увкуну бур: «Гъунттинин давуртту къадитаврия мурахасну икАу, ина хАакъинура яхъанай усса. Гъунттинин личАан къисмат бухъурча, гъунттисса къинигу хАакъинумур

кунна гъан дува, акъахъурча, хАакъину къабувну къабивтунни хАйп тАун багъантИссар». Оьмар Ибн Абдулаьзизлухъ ца инсаннал увкуну бур: «Къадити му даву гъунтти данссарча», – куну. «Ца къини даймурдагу дан къахъанай унува, кИра къини даймур цал архАал цукун дави!» – увкуну халифнал.

ХАадисраву увкуну бур: «Къиямасса къини Аллагнал ﷺ лагъ сукку къахъунтИссар мукъра задрая жаваб къадуллуну: оьрмулуя, жагъллишивруя, хъуслия ва элмулия».

Цамур ХАадисраву увкуну бур: «Ххюра зад ишла дува цайми ххюра дучАаннин: жагъллишиву - хъуннав хъуннин, цАуллушиву - къашай хъуннин, аваданшиву - мискин хъуннин, чАун - машхул хъуннин, оьрму - бивкАу бучАаннин». (ХАаким).

Жагъллишиву лайкъсса куцАуй ишла дан къавхъума хъунав шайхтту пашман хъунтИссар. Ца хъунав хъусса аьлимчунал увкуну бур жагъллихъ: «Инава жагъллину унува захАмат бува, на чАярусса дан ччай ура амма бюхълай акъара», – куну.

Оьмар-асхАабналгу ﷺ увкуну бур: «Дин лахъхъияра жагъллину бунува», – куну.

МухАммад Идавсил ﷺ увкуну бур: «КИра неьматрая махАрумну личАйссар чАавумий: цАуллушиву ва чАун».

ЧАун тачАав ссанчАав дакъа къалагайссар – ягу хайр бумунил ягу зарал бумунил дуцАйссар. Цалла чАун хъинсса аьмаллал дуцАин къадурманал чАун чара бакъа оьсса аьмаллал дуцАинтИссар.

СалихИнтуравасса цаннал увкуну бур: «Дунияллул иширттая тархъансса чАун – хъунмасса неьматри. Мунихлу щукру къабарча, цалва нафсран ччимур буллаи, Аллагнал ﷺ ганал дакАнивусса паракъатшиву ва марцАшиву лиян дантИссар».

Имам аль-Гъазалинал луттираву увкуну бур: «Къинилул низам дакъама хАйван кунассар», – куну. Жула Идавсил ﷺ увкуну бур: «Я Аллагу! Ттул умматрал кАюрхил ччяни даймуний барачат биша!» – куну. Мийжаннугу, кАюрхил дурмуниву барачатгу бивкАйссар, цамур чАумалнир анаварнугу бигъанугу дангу шайссар.

БучИссарив гъелисса ягу кIирисса щинай чаклин иссун?

Гъелисса ягу кIирисса щинай чаклин иссун бучИссар, щара лархъссанну иссаву къахъ-инссар.

БучИссарив бусурманнан ххачпараснал килисалувун буххан?

Буххан бучИссар, амма га хъун буллан, хIурмат буллан къабучИссар.

Цими шинавун ивукунни чIивисса оърчал цалва бунагъирттаж жаваб дулайсса?

Идавсил ﷺ увкуссар: «Шамуннал бунагъру къачичайсар: шанашиманал чантI къаувкусаксса, чивисса оърчал балугъравун къаувхссаксса, бакIрал сакъатманал аькълулуну къаувкссаксса». Гъарцаннал цахлура жаваб дулунтИссар, амма цайминнахлу жаваб дулаймигу буссар: имам – цала жамятрах, адимина – цала кулпатрах, паччахI – цала агъалинах.

БучИссарив дарккусса ккарччив тIайла дан, хъахъи ларгми кIяла дан?

БучИссар, муни шариаьтраву цукунчIавсса къадагъа дакъассар.

Дахъа увсса оърчI мукъцIалва гъантлий къатлува къатIув уккан ан къабучИссар тIун бикIай. Му тIайлассарив??

Хасну мукъцIалва гъантлий къатлува къатIун уккан ан къабучИссар тIий бакъассар. Дахъа увсса оърчI заэвсса икIайнутIий, ганал чурх къянкъа хъунни къатIув уккан увну къахъ-инссар.

ТгучIа цукунчIавсса хъус дакъар. На васият цукунсса чичин аьркинссар?

Чара бакъа ци-дунугу хъусливасса васият дан аьркиншиву дакъассар. Васиятраву гъан-маччаминнан, диндалул уссу-ссуравран ххуйсса насихIат бангу бучИссар.

Хъуруннайн пара бичаврия Шариаьтраву ци увкуну буссар?

Шариаьтрайн бувну, хъу дугълагъисса чIумал пара ишла баврин къадагъа дакъассар, хIалалссар.

Нюжмар-чаклий вяъза къабувну, укун-ма зикри-дуаъ дурну гъашиву дан къабучИссарив?

Нюжмар чак шаллу хъуншиврул дуссар ххюра шартI:

1. Ахттайн чаклил чIумал баву.
 2. Шяраву, шагърулуву баву.
 3. Циняв ца кIанайн бавтIун баву, шагъру хъинну хъунмасса буну ца кIанайн батIин захIмат хъанай бакъахъурча.
 4. Га шяраву, шагърулий мина дусса мукъцIала балугъравун ивсса, аькълисса, тIайлану альхIам аттахIийят буккин кIулсса адиминал жамятрай баву.
 5. Чаклил хъхъичI кIивагу хутIба баву.
- Вяъза баву нюжмар-чаклил шартIирттавун къабакъайссар, амма сант духъурча бувну хъинссар, мундангу байсса бивкIссар.

**ХХИРАССА УССУРВАЛ ВА ССУРВАЛ!
НАЙ ДУССАР 2012-КУ ШИНАЛ КИЛЧИНМУР
ДАЧИ ШИНАЙНССА "АС-САЛАМ" ККАЗИТРАЛ
ПОДПИСКА.**

**ККАЗИТ ЧИЧИН ХЪУНТИССАР ЧЧИМУР
ПОЧТАЛИЙ ВА МУКУНМА ГЪАРЦА
РАЙОННАЙССА ЖУЛ ВАКИЛТУРАЙХЧИН.
ЛАККУ МАЗРАЙССА ККАЗИТРАЛ ДАЧИ
ШИНАЙССА БАГЪА ХЪАНАХЪИССАР 123
КЪУРУШ, ОБРУС МАЗРАЙССА ККАЗИТРАЛ –
267 КЪУРУШ.**

**ЛАКРАЛ ВА ККУЛЛАЛ РАЙОНДАЛИЙ ККАЗИТ
ЧИЧАВРИЛ ВА БИН БАВРИЛ ЯЛУВ ОБВЧИН
БЮХЪАНТИССАР ВА НОМЕРДАНИЙН:
8-988-278-81-77**

АЛЛАГЪНАЛ КУМАГ БАННАВ!

БАЯН

Элму – Исламрал рухI ва динналул ттарцIри.

МахIачкъалаливсса вокзалданул чIаравсса Сайфуллагъ-Къадинал цIанийсса мизитрал мадрасалуву сакин буллай буссар Динналул гъанурду, чак баву, Къуръан буккаву лахъхъин ччисса хъаннил ва душварал группа. Ххирасса ссурвал ва нинухълу! Анавар буккиря кымат бищун къашайсса элму – чак баву ва Къуръан буккаву лахъхъин.

Дасру дикIантИссар ва адресрай

МахIачкъала, ул. Буйнакского 38-а, тел. 8-928-507-53-22.

Зулла дакIру динналул нурданул чанна лахъан дуvara!

Лахъхъияра лакку маз!

МахIачкъалаливсса Сайфуллагъ-Къадинал цIанийсса мизитрал мадрасалу-ву тIитIлай буссар лакку маз лахъхъин байсса курсру. Курсирдайн къамул буллалиссар оърчIру ва арамтал оьрмулул личIишиву къадурну. Адрес: МахIачкъала, ул. Буйнакского 38-а, тел.: 8-988-443-23-12.

Рузнама

Июнь

Къини	КIюрххил чак	Баргъ буккаву	Ахттайн чак	Ахттакъун чак	МаркIачIан чак	ХъатIан чак
1	2:57	5:11	12:47	16:49	20:23	22:18
2	2:56	5:10	12:47	16:49	20:24	22:19
4	2:54	5:09	12:47	16:50	20:25	22:21
6	2:52	5:09	12:48	16:51	20:26	22:23
8	2:51	5:08	12:48	16:51	20:28	22:26
10	2:49	5:07	12:48	16:51	20:29	22:28
12	2:49	5:06	12:49	16:52	20:30	22:29
14	2:47	5:06	12:49	16:53	20:32	22:31
16	2:47	5:08	12:50	16:54	20:32	22:32
18	2:47	5:08	12:50	16:54	20:32	22:33
20	2:47	5:08	12:51	16:55	20:32	22:35
22	2:47	5:08	12:51	16:55	20:32	22:35
24	2:47	5:09	12:51	16:55	20:33	22:34
26	2:50	5:10	12:52	16:56	20:34	22:34
28	2:50	5:10	12:52	16:56	20:34	22:34
30	2:52	5:11	12:52	16:56	20:34	22:33

ДАГЕСТАНСКИЙ ИСЛАМСКИЙ УНИВЕРСИТЕТ
ИМЕНИ ШЕЙХА МУХАММАДАРИФА
ОБЪЯВЛЯЕТ ПРИЕМ АБИТУРИЕНТОВ НА
ОЧЕРЕДНОЙ УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительности обучения:
в медресе – 3 года;
в университете – 5 лет.
ДОКУМЕНТЫ НЕОБХОДИМЫЕ
ДЛЯ ПОСТУПЛЕНИЯ:
1. Нотариальная копия аттестата

- или диплома;
- 2. Копия паспорта;
- 3. Фотокарточки размером 3/4 в количестве пяти штук;
- 4. Медицинская справка Ф 086;
- 5. Копия прививочного сертификата Ф 156/у-93;
- 6. Рекомендация от преподавателя религиозного обучения либо от руководителя мечети (имам) расположенной по месту жительства абитуриента.

ПРИНИМАЕМ ПО АДРЕСУ: Г. МАХАЧКАЛА,
УЛ. ДАХАДАЕВА 136
С 1 ИЮНЯ ПО 18 АВГУСТА

Тел.: (8722) 67 55 08; 8 988 294 56 16

**ХIурмат бусса уссурвал ва ссурвал!
Зунма цIуххин ччисса,
ИсламрацIун, ШариаьтрацIун,
кулпатрал багъу-бизулуцIун бавхIусса ва цаймигу суаллу
гъан бан бюхъайссар SMS – райхчин ва номерданийн:
8-928-580-37-89, ягу 51-85-22 номерданийн оьвкуну
цIуххин.
e-mail: assamlak@mail.ru**